



Inatsisartuni ilaasortaq Laura Táunâjik, Siumut

Tasiilami qimarnguissamik pilersitsinissaq pillugu § 37 toqqammavigalugu apeqquteqaammut akissut:

Asasara Laura Táunâjik

Qujanaq Tasiilami qimarnguik pillugu apeqquteqaatigisannut. Akissuteqaatikka ataani atuarsinnaavatit.

27-07-2016
Sagsnr. 2016 - 11651
Akt ID. Nr. 3231085

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

1. Tasiilami qimarngueqalernissamik pilersaarut sumut killippa?

Ulloq 3.-7. september 2016 Isumaginninnermut Naalakkersuisoqarfik, Kommuneqarfik Sermersooq aammalu Mary-p Aningaasaateqarfia taamatullu Dannerhuset Tasiilamut angalaqatigiinniartut, tamatumuunalu piffimmi soqutiginnittut peqatigalugit illoqarfimmi qimarnguissaq pillugu eqqartueqatigiissallutik. Tamatumani ilanngullugu misissuiffigineqassallutik sulisussatigut periarfissat qanoq isikkoqarnersut.

Mary-p Aningaasaateqarfia aammalu Dannerhusip peqataanerinit toqqammaviuvoq taakkua nunatsinni suliniut "Kattunneq – Grønlands Krisecentre" pillugu suleqatigineqareemata, tamatumani sulissutigineqarluni nunatsinni qimarngueqarnikkut periarfissat pitsanngorsarniarneqarnerini aqutissiuuneqarnissaat, soorluli aamma ataqatigiissakkamik pisortanik sulisorineqartunillu piginnaanngorsaasarnarit pineqartunik suleqatiginnissutigineqarlutik.

1. Qaqugu qimarnguissap illutassaata sumiiffissaa/sanaartorneqalernissaata aallartinneqarnissaa naatsorsuutigineqarsinnaava?

Siullermik aallaavigineqanngilaq illumik nutaamik qimarnguiliortoqarnissaa,

Kommuneqarfik Sermersooq'ip ilisimatitsissutigisimavaa sulissutigilereer-simallugulu illoqarfimmi illumik siunertamut atorineqarsinnaasumik ilumut piukkunnartoqarnersoq misissuititsilereersimalluni. Taamaattorli illoqarfimmi inissaaleqisoqarnera pissutigalugu illumik naleqquttumik nassaarniarneq ajornaatsuinnaasuunngitsoq. Taamaattumik ulluni 3. – 7. septembarimi Tasiilamut angalaqatigiinneq iluatsillugu piffimmi soqutigisaqartut peqatigalugit sukumiisumik sulissutigineqarumaarluni.

2. Qaqugu qimarnguissap atuutinneqalernissaa naatsorsuutigineqarsinnaava?

Ulloq manna tikillugu qaqugorpiaq qimarnguiup ammarneqarsinnaanissaa
oqaatigineqarsinnaanngikkallarpoq. Taamaattorli siunertarineqartuarsinnarluni
Tasiilami qimarnguissaq ukioq manna ammarneqarsinnaajumaartoq.

Inussiarnersumik inuulluaqqusillunga

Martha Lund Olsen